

辨

證

錄

辨證錄卷之五

山陰陳去聲敬之甫號遠公又號朱華子著述

會稽陶式玉尚白甫號存齋又號

叅訂

關格門

人有病關格者食至胃而吐欲大小便而不能出眼睛紅赤目珠暴露兩脇脹滿氣逆拂抑求一通氣而不可得世以爲胃氣之太盛而不知乃肝氣之過鬱耳夫關格之症宜分上下一上格而不得下一下關而不得出也今上旣不得入而下又不得出是真正關格死生危急

開門散  
解鬱之神  
劑

之症也治之原有吐法上吐則下氣可通今不必用吐藥而先已自吐是用吐藥無益矣若用下導之法則上既無飲食下胃而大腸空虛卽用導藥止可出大腸之糟粕鞭屎而不能通小腸膀胱之氣是導之亦無益也必須仍用煎藥和解爲宜但不可遽然多服須漸漸飲之初不受而後自受矣方用開門散白芍五錢白朮五錢茯苓三錢陳皮一錢當歸五錢柴胡三錢蘇葉一錢牛膝三錢車前子三錢炒梔子三錢天花粉三錢水煎一碗緩緩呷之一劑而受矣一受而上關開再劑而下

格亦通此方直走肝經以解鬱鬱解而關格自痊所謂  
扼要爭奇也倘用香燥之藥以耗胃氣適足以堅其關  
門而動其格據矣

此症用通關

散亦效

白芍五錢茯苓三錢甘草炙 神曲各三分白豆蔻  
一枚川芎二錢生姜汁半合柴胡一錢水煎服一劑  
卽開二劑愈愈後  
須用補腎之劑

人有無故而忽然上不能食下不能出者胃中脹急煩悶  
不安大小便窘迫之極人以爲關格之症也誰知是少  
陽之氣不通乎夫少陽膽也膽屬木木氣最喜舒泄因

寒氣所襲則木不能條達而氣乃閉矣於是上尅胃而  
下尅脾脾胃畏木之刑不敢去生肺氣而併生大腸之  
氣矣肺金因脾胃之氣不生失其清肅之令而膀胱小  
腸無所凜遵故一齊氣閉矣此症原可用吐法一吐而  
少陽之氣升騰可愈其次則用和解之法和其半表半  
裏之間而膽木之鬱結自通二法相較和勝於吐吐必  
傷五臟之氣而和則無損五臟之氣也方用和解湯柴  
胡一錢白芍三錢甘草一錢枳殼五分薄荷一錢茯神  
三錢丹皮二錢當歸三錢水煎服緩緩服之三劑則可

以開關矣上關一開而下格自愈此方乃逍遙散之變方也逍遙散有白朮陳皮未嘗不可開關余改用薄荷枳壳丹皮者直入肝經之藥取其尤易於開鬱也此方全不開關而關自開者正以其善於解鬱也

此症用寬緩

湯亦妙

柴胡茯苓各二錢當歸三錢白芍五錢甘草蘇葉黃芩各一錢竹葉三十片水煎服二劑愈

人有吐逆不得飲食又不得大小便此五志厥陽之火太盛不能營於陰遏抑於心胞之內頭上有汗乃心之液外亡自焚於中也存亡之機間不容髮此關格最危之

症人以爲氣之不通也欲用麝香片腦之類以切開其門必至耗散真氣反致歸陰矣法宜調其營衛不偏陰偏陽一味冲和毋犯胃氣使其臟腑自爲敷布不必問其關從何開格從何啓一惟求之中焦握樞而運以漸透於上下之間自能營氣前通衛氣不閉因其勢而利導之庶無扞格耳方用和中啓關散麥冬五錢人參五分甘草五分栝子仁三錢滑石敲碎一錢黃連一錢白芍五錢桂枝三分天花粉一錢五分水煎服一劑而上吐止再劑而下閉通矣此方解散中焦之火更能舒肝

以平木木氣既平而火熱自滅內中最妙者用黃連與桂枝也一安心以交於腎一和腎而交於心心腎兩交則營衛陰陽之氣無不各相和好陰陽既和而上下二焦安能堅閉乎此和解之善於開關也

此症用黃連啓  
心湯亦效

人參一錢白朮丹皮各三錢黃連玄參各二錢甘草一錢桂枝三分半夏五分柴胡三分水煎服二劑愈人有上吐下結氣逆不順飲食不得入溲溺不得出腹中作疼手按之少可人以此寒極而陰陽易位其脉必濇而伏也法當吐不吐則死然而不必吐也夫上部無



脉下部有脉吐之宜也以食填塞於太陰耳今脉濇而  
伏非無脉之比况所食之物已經吐出是非食填太陰  
也吐之不重傷脾胃之氣以堅其閉塞乎夫胃氣之所  
以不開與大小腸膀胱之所以閉結者由於腎氣之衰  
也胃爲腎之關門腎之氣不上則胃之關必不開腎主  
大小便膀胱之氣化亦腎氣化之也腎氣不通於三經  
則便溲何從而出然則上下開闔之權衡全在乎腎也  
治法必須大補其腎中之水火腎中之水火足而關格  
不治而自愈矣方用水火兩補湯熟地一兩山茱四錢

茯神五錢車前子三錢人參二錢麥冬一兩五味子五  
分肉桂一錢白朮五錢牛膝三錢水煎服連服二劑上  
吐止而下結亦開矣再服四劑全愈此方補腎中之水  
火而又能通腎中之氣氣足而上自達於胃下自達於  
膀胱大小腸矣倘用香燥之藥以救胃則胃氣愈傷倘  
用攻利之藥以救膀胱大小腸則膀胱大小腸愈損何  
日是開關解格之日哉

此症用化腎湯亦神效

熟地二兩肉桂二錢水煎服一劑卽通二劑全愈

人有一時關格大小便閉結不通渴飲涼水少頃卽吐又

飲之又吐面赤唇焦粒米不能下胃飲一杯吐出杯半  
脉亦沉伏人以爲脉絕也誰知是格陽不宣腎經寒邪  
太盛之故乎夫腎屬少陰喜溫而不喜寒也寒邪入腎  
則陽無所附陽欲杜陰而不能陰且格陽而愈勝於是  
陽不敢居於下焦而盡逆冲於上焦咽喉之間難於容  
物而作吐矣夫陽宜陰折熱宜寒折似乎陽熱在上宜  
用陰寒之藥以治之然而陽熱在上而下正陰寒也用  
陰寒以折陰寒正投其所惡也不特無功而反有大害  
蓋上假熱而下真寒非用真熱假寒之法從治之斷不

能順其性而開其關也方用白通湯治之方中原是大熱之味得人尿豬膽以亂之則下咽覺寒而入腹正熱陽可重回而陰可立散自然脉通而關啓矣然後以大劑八味湯投之永不至關再閉而吐再發也

此症用加味木

桂湯亦神效

白朮一兩肉桂一錢甘草一分人參二錢丁香一錢水煎加人尿半碗探冷服之一劑即安

中滿門

人有飲食之後胸中倒飽人以爲多食而不能消用香砂  
枳實等丸消導之似覺少快已而又飽又用前藥久久  
不已遂成中滿之症腹漸高大臍漸突出肢體漸浮脹  
又以爲厥脹用牽牛甘遂之藥以逐其水內原無水溼  
之邪水未見出而正氣益虛脹滿更急又疑前藥不勝  
復加大黃巴豆之類下之仍然未愈又疑爲風邪固結  
於經絡用龍膽茵陳防風荆芥之類紛然雜投不至於  
死不已猶然開鬼門洩淨府持論紛紜各執已見皆操

刀下石之徒也。誰知中滿之症實由於脾土之衰而脾氣之衰又由於腎火之寒也。倘用溫補之藥早健其脾氣何至如此之極哉。方用溫土湯人參一錢白朮三錢茯苓三錢蘿蔔子一錢薏仁三錢芡實五錢山藥五錢肉桂三分穀芽三錢水煎服一劑而覺少飽二劑而覺少寬矣。數劑之後中滿自除此方但去補脾絕不消導以耗其氣。蓋中滿之病未有不因氣虛而成者。不補脾胃之氣則脹從何消。況方中加入蘿蔔子最妙。助參朮以消脹。不輔參朮以添邪。又有茯苓薏仁芡實山藥之

類益陰以利水水流而正氣不耗自然下澤疏通而上游無阻滯之虞矣第恐水寒冰凍則溪澗斷流又益以肉桂於水中生火則土氣溫和雪消冰泮尤無壅塞之苦也奈何惟事於消導遂成不可救藥之病哉

此症用木苓加桂湯  
白朮一兩茯苓五錢肉桂一錢水煎服

人有未見飲食則思既見飲食則厭乃勉強進用飽塞於上脘之間微微脹悶此不止胃氣之虛而心包之火正衰也心包爲胃土之母母氣既衰何能生子心包之火不足又何能生胃哉故欲胃之能食必須補胃土而兼

補心包之火也方用生胃進食湯人參三錢白朮三錢  
炒棗仁五錢遠志八分山藥三錢茯苓三錢神麴五分  
良薑五分蘿蔔子一錢枳壳五分乾薑炒黑一錢水煎  
服此方治胃無非治心包也心包與胃原是子母何必  
分治之乎不治中滿而中滿自除此補火之勝於補土  
也

此症用調飢

散亦妙

人參五分山藥一兩白芍三錢甘草五分肉桂一錢  
菖蒲五分肉豆蔻一枚炒棗仁三錢水煎服十劑愈  
人有中心鬱鬱不舒久則兩脇飽滿飲食下喉即便填脹



不能消化人以爲噉脹之漸也而不知皆氣滯之故倘用逐水之藥必且更甚用消食之藥亦止可取一時之快而不能去永久之脹也法宜開鬱爲主然而氣鬱既久未有不氣虛者也使僅解其鬱而不兼補其氣則氣難化食脹何以消方用快膈湯人參一錢茯神五錢白芍三錢白芥子二錢蘿蔔子五分檳榔三分神麴五分枳殼三分柴胡五分薏仁三錢厚朴三分水煎服一二劑輕四劑全愈此方解鬱而無刻削之憂消脹而無壅塞之苦攻補兼施自易收功也

此症用枳脹

湯亦妙

神麴三錢柴胡五分白芍三錢茯苓蘿蔔子各一錢  
厚朴人參各五分白豆蔻三枚蘇葉八分白芥子二  
錢水煎服  
十劑愈

人有患中滿之病飲食知味但多食則飽悶不消人以爲  
脾氣之虛誰知是腎氣之虛乎腹中飽悶乃虛飽而非  
實飽若作水腫治之則喪亡指日矣蓋脾本屬土土之  
能制水者本在腎中之火氣土得火而堅土堅而後能  
容物能容物卽能容水也惟腎火旣虛而土失其剛堅  
之氣土遂不能容物而容水乃失其天度之流轉矣故

腹飽而作滿卽水臟之漸也人不知補腎火以生脾土反用瀉水之法以傷脾無異決水以護土土有不崩者哉是治腎虛之中滿可不急補其命門之火乎然而徑補其火則又不可以腎火不能自生生於腎水之中也但補火而不補水則孤陽不長無陰以生陽卽無水以生火也或疑土虧無以制水又補腎以生水不益增波以添脹哉不知腎中之水乃真水也邪水欺火以侮土真水助火以生土實有不同故腎虛中滿必補火以生土又必補水以生火耳方用金匱腎氣丸茯苓六兩附

子一枚牛膝一兩肉桂一兩澤瀉二兩車前子一兩五錢山茱萸二兩山藥四兩牡丹皮一兩熟地三兩各爲末蜜爲丸每日早晚白滾水送一兩初服少脹久服脹除而滿亦盡消補火之聖藥也羣藥之內利水健脾之味多於補陰補火者雖意偏於補火而要實重於救脾補火者正補脾也故補陰不妨輕而補脾不可不重耳

此症用黨脾

湯亦佳

熟地白朮各五錢山茱萸四錢破故紙一錢杜仲三錢附子五分水煎服二劑而飽悶除十劑全愈

翻胃門

人有飲食入胃而卽吐者此肝木尅胃土也用逍遙散加  
吳茱萸炒黃連治之隨手而愈而無如人以爲胃病也  
雜用香砂消導之劑反傷胃氣愈增其吐又改用下藥  
不應復改用寒涼之味以降其火不獨胃傷而脾亦傷  
矣又改用辛熱之藥以救其寒又不應始悟用和解之  
法解鬱散邪然已成噎膈之症矣夫胃爲腎之關門腎  
中有水足以給胃中之用則咽喉之間無非津液可以  
推送水穀腎水不足力不能潤灌於胃中又何能分濟

於咽喉乎咽喉成爲陸地水乾河涸舟膠不前勢所必至且腎水不足不能下注於大腸則大腸無津以相養久必瘦小而至艱澀腸旣細小艱澀飲食入胃何能推送下旣不行必積而上汎不特上不能容而吐抑亦下不能受而吐也治法必須大補其腎中之水方用濟艱催輓湯熟地二兩山茱一兩當歸二兩牛膝三錢玄參一兩車前子一錢水煎服一日一劑十劑必大順也此方純補精血水足而胃中有津大腸有液自然上下相通而無阻滯之患譬如河漕水淺舟楫不通糧糈不能

輸運軍民莫不徬徨而喧譁擾攘忽見大雨滂沱河渠  
溝壑無非汪洋大水則大舸巨舶得以裝載糗糧自然  
人情踴躍關門大開聽其轉運而無所留難也

此症用制用  
散亦效甚

白芍一兩吳茱萸五分黃連一錢茯苓五  
錢水煎服二劑卽愈何至變成噎膈哉

人有朝食暮吐或暮食朝吐或食之一日至三日而盡情  
吐出者雖同是腎虛之病然而有不同者一食入而卽  
吐一食久而始吐也食入而卽出者是腎中之無水食  
久而始出者乃腎中之無火也蓋脾胃之土必得命門

之火以相生而後土中有溫熱之氣始能發生以消化飲食倘土冷水寒結成冰凍則下流壅積必返而上越矣治法宜急補腎中之火然而單補其火則又不可腎火非腎水不生腎火離水則火又亢炎矣況上無飲食之相濟則所存腎水亦正無多補火而不兼補其水焚燒竭澤必成焦枯之患濟之以水毋論火得水而益生而水亦得火而更生水火既濟自然上下流通何至有翻胃之疾哉方用兩生湯肉桂二錢附子一錢熟地二兩山茱萸一兩水煎服一劑而吐減半再劑而吐更減



連服四劑則吐止矣服十劑而全愈也此方水火兩旺脾胃得火氣而無寒涼之虞得水氣而無乾澀之苦自然上可潤肺而不阻於咽喉下可溫臍而不結於腸腹矣或謂下寒者多腹痛反胃既是腎寒正下寒之謂也宜小腹作痛矣何以食久而吐之病絕不見腹痛豈腎寒非歟不知寒氣結於下焦則腹必疼痛今反胃之病日日上吐則寒氣盡從口而趨出矣又何寒結之有

此症用加味化

腎湯亦神效

熟地二兩山茱萸一兩肉桂三錢巴戟

天五錢水煎服二劑吐輕十劑全愈

木平則胃  
受其木鬱  
則胃氣損  
平肝則吐  
止亦必然  
法也

人有時而吐時而不吐吐則盡情吐出此症有似於反胃  
而非翻胃也此種之病婦人居多男子獨少蓋因鬱而  
成之也夫鬱則必傷其肝木之氣肝傷木即下尅脾胃  
肝性最急其尅土之性亦未有不急者其所尅之勢胃  
土苦不能受於是上越而吐木怒其土之不順受也於  
是挾其鬱結之氣捲土齊來盡祛而出故吐之不盡不  
止其有時而不吐者因木氣之少平耳治法不必止吐  
而惟在平肝方用逍遙散柴胡一錢白芍五錢茯苓三  
錢白朮一錢當歸三錢陳皮三分甘草一分水煎服一

劑而吐少止再劑而吐全愈愈後仍以濟艱催輓湯減  
半分兩調理可也蓋逍遙散解鬱之後其木枯渴可知  
隨用濟艱催輓湯急補其水則木得潤而滋榮自然枝  
葉敷榮矣何至拂鬱其性而作吐哉

此症用增減逍

遙散亦神效

白芍五錢茯苓白朮各三錢陳皮柴胡神  
麴各一錢白豆蔻一粒水煎服四劑愈

人有胃中嘈雜腹內微疼痰涎上湧而吐嘔日以為常蓋  
蟲作祟非反胃也夫人有水濕之氣留注於脾胃之間  
而肝木又旺來尅脾胃之土則土虛而生熱此熱乃肝

土得正火  
而消食土  
得虛火而  
生虫亦創  
故也細思  
之却是至  
理

木之火虛火也土得正火而消食土得虛火而生虫虫  
得肝木之氣其性最急喜動而不喜靜飢則微動而覓  
食飽則大動而跳梁挾水穀之物興波鼓浪而上吐矣  
然但吐水穀而不吐虫者何故蓋肝木之虫最靈畏金  
氣之尅居士則安入金則死故但在胃而翻騰不敢越  
胃而遊樂祛水穀之出胃而彼且掉頭而返恐出於胃  
爲肺金之氣所殺也治法必用殺虫之藥佐以瀉肝之  
味然而瀉肝殺虫之藥未免寒涼尅削肝未必遽瀉而  
脾胃先已受傷脾胃受傷而虫亦未能盡殺必須於補

脾健胃之中而行其斬殺之術則地方寧謐而盜賊難  
以盤踞庶幾可盡戮無遺常靜而不再動也方用健土  
殺虫湯人參一兩茯苓一兩白芍一兩炒梔子三錢白  
薇三錢水煎半碗加入黑驢溺半碗和勻飢服一劑而  
吐止不必再劑虫盡死矣夫驢溺何以能殺虫而止吐  
也驢性屬金虫性畏金故取而用之世人有單用此味  
而亦效者然而僅能殺虫而不能健土土弱而肝木仍  
旺已生之虫雖死於頃刻而未生之虫不能保其不再  
生也健土殺虫湯補脾胃以扶土卽瀉肝以平木使木

氣既平不來尅土且土旺而正火既足則虛邪之火無從而犯虛熱不生而虫又何從而生乎况方中梔子白薇原是殺虫之聖藥同驢溺用之尤能殺虫於無形此拔本塞原之道不同於單味偏師取勝於一時者也

此症用鋤種

湯亦神效

練樹根一兩檳榔厚朴炒梔子百部各一錢白朮茯苓史君子肉各三錢水煎服服後不可用飲食須忍飢半日尤不可飲茶水二劑虫盡死而愈

人有食後必吐出數口却不盡出膈上時作聲面色如平人人以爲脾胃中之氣塞也誰知是膈上有痰血相結

而不散乎夫膈在胃之上與肝相連凡遇怒氣則此處必痛以血之不行也血不行則停積而血成死血矣死血存於膈上必有碍於氣道而難於升降氣血阻住津液遂聚而成痰痰聚而成飲與血相搏而不靜則動而成聲本因氣而成動又加食而相犯勢必愈動而難安故必吐而少快也至食已入胃胃原無病胃自受也寧肯茹而復吐乎此所以既吐而又不盡出耳然則治法但去其膈上之痰血而吐病不治而自愈也方用瓜蒂散加味吐之瓜蒂七枚蘿蔔子三錢韭菜汁一合半夏

三錢天花粉三錢甘草三錢枳壳一錢人參一錢水煎服一劑卽大吐去痰血而愈不必二劑也瓜蒂散原是吐藥得蘿蔔子枳壳以消食得半夏天花粉以蕩痰得韭汁以逐血誠恐過於祛除未免因吐而傷氣又加入人參甘草以調和之使胃氣無損則積滯易掃何至惡食而再吐哉此非反胃因其食後輒吐有似於反胃故同反胃而共論之也

此症用清膈散甚佳

天花粉桑白皮各三錢生地白芍各五錢紅花三錢桃仁十箇杏仁十箇枳壳五分甘草一錢紫苑一錢



水煎服四劑全愈



臃脹門

人有兩足跗上先腫漸漸腫脹至腹按脹上如泥之可搏  
小便不利大便反結此由土氣之鬱非水腫也人生脾  
胃之氣健旺則土能尅水而水自灌注於經絡兩不相  
碍也惟脾胃氣虛則土不能轉輸水精於上而胃中之  
水積而不流於是浸淫於表裏皮毛而無所不到也然  
而脾胃氣虛非脾胃之故也由於腎氣之虛則土無升  
騰之氣而土乃鬱而不伸力不能制水使水來相侮而  
脾胃之氣愈虛也夫腎司開闔腎氣從陽則開腎氣從

陰則閤陽太盛則水道大開陰太盛則水道常閉陽爲  
腎中之火而陰爲腎中之寒也腎寒則脾胃亦寒水畏  
熱而不畏寒此寒土之所以難制水也然則治水腫之  
法烏可舍補腎之火而他求畜水之土哉雖然水勢滔  
天補火以生土迂緩而難以決排放水以全土利便而  
易於畜泄故補腎中之火可治久病之水臃洩脾胃中  
之水實益初病之水脹也下身脹而上身未脹正初起  
之病宜急洩其水之爲得方用洩水至神湯大麥蘖二  
兩茯苓一兩白朮二兩小赤豆三錢水煎服一劑而腹

必雷鳴瀉水如注再劑而水盡泄無遺不必三劑也論  
理牽牛甘遂之方未嘗不可用但慮世人天稟日薄而  
脾胃腎三經多虛恐不勝藥力之過迅故改立此方於  
補中瀉水正氣無傷而邪水盡出之爲妙方中白朮茯  
苓健脾胃之土又能通脾胃之氣則土之鬱可解土鬱  
既解力足以制水矣况大麥蘗能消無形之水赤小豆  
能洩有形之溼合而相濟自能化水直出於膀胱由尾  
閭之間盡瀉而出也

此症用冬瓜

湯亦甚效

冬瓜一箇煎水十碗另用白朮三兩車前子五錢肉桂二錢將冬瓜水煎湯二碗先用一碗少頃又用一碗其水從大便而出一劑而脹腫全消

人有水腫既久遍身手足俱脹面目亦浮口不渴而皮毛出水手按其膚如泥此真水臃也乃土氣鬱塞之甚故耳夫土本尅水何爲反致水侮蓋土虛則崩土崩則淤泥帶水而流緩於是日積月累下焦阻滯而水乃上泛脾胃之中原能藏水然水過於多則脾胃不能受乃散布於經絡皮膚矣迨至經絡皮膚不能受勢不得不流於皮膚之外泛濫於一身不用下奪之法何以瀉滔

天之水哉方用決水湯車前子一兩茯苓二兩王不留  
行五錢肉桂三分赤小豆三錢水煎服一劑而小便如  
注不絕二劑而腫脹盡消矣論理用雞屎醴逐水亦有  
神效然而雞屎醴逐水從大便而出而此方逐水從小  
便而出也水從大便出者其勢逆水從小便出者其勢  
順逆則效速而氣傷順則效緩而氣固此方利水從小  
便而出利其膀胱也凡水必從膀胱之氣化而後由陰  
器以出土氣不宣則膀胱之口閉吾用王不留行之迅  
藥以開其口加入肉桂引車前茯苓赤小豆直入膀胱

而利導之茯苓車前雖利水而不耗氣而茯苓且是健  
土之藥水決而土又不崩此奪法之善也至於臍突手  
掌無紋用此方尚可救也惟是服此方瀉水而愈必須  
禁用食鹽一月倘不能禁則又脹矣脹則不可再治也

此症亦可用冬瓜湯更加劉寄奴  
一兩茯苓一兩服之亦水瀉而愈

人有氣喘作脹腹腫小便不利大便亦溏漸漸一身俱腫  
人以爲水腫也不知乃肺脾腎三經之虛也夫水氣不  
能分消大都病在胃然胃之所以病者正由於三經之  
虛耳胃爲水穀之海凡水入於胃爲歸蓋五臟六腑之



脾肺腎三  
經之虛赤  
成喘脹論  
之矣

大源也但胃能容水而不能行水所恃脾之散水以行  
於肺肺之通水以入於膀胱腎之化水而達於小腸也  
惟脾虛則不能散胃之水精於肺而病在中矣肺虛則  
不能通胃之水道於膀胱而病在上矣腎虛則不能司  
胃之關門時其輪泄而病在下矣三經既虛而胃中積  
水浸淫遂遍走於經絡皮膚而無所底止矣治法補其  
三經之氣而胃氣自旺胃氣旺而腫脹盡消方用消脹  
丹白朮三錢茯苓一兩麥冬五錢熟地五錢山藥一兩  
芡實五錢蘇子一錢水煎服一劑而喘少定二劑而脹

漸消十劑而小便利二十劑而一身之腫無不盡愈也  
方中白朮茯苓以健其脾土麥冬蘇子以益其肺金熟  
地山藥芡實以滋其腎水自然脾氣旺而不至健運之  
失職肺氣旺而不至治節之不行腎氣旺而不至關門  
之不開水自從膀胱之府而盡出於小腸矣安得而再  
脹哉

此症用百合消  
脹湯亦效

白朮芡實各一兩茯苓百合各五錢山藥一兩肉  
桂二錢人參三錢水煎服十劑少愈三十劑全愈  
人有腰重脚腫小便不利或肚腹腫脹四肢浮腫喘急痰

脾胃得火  
始得制水  
然得火者  
必得腎中  
之火也腎

盛不可以臥此肺腎俱虛之病非臃脹也夫水症多是脾胃之虛茲何以肺腎之虛亦成水脹耶不知肺虛必盜脾胃之氣而腎虛則不能生脾胃之氣二經既虛則脾胃之氣更虛土難生金而肺之氣化不行而腎之關門不開矣於是水不能消而泛濫一如水腫之病也治法似宜補肺而兼補腎然而補肺又不若竟補腎之爲得蓋肺雖生腎然止能生腎水而不能生腎火也脾胃必得腎火以相生水氣必得腎火以相化況補腎則肺不必來生腎水而肺金自安矣是補腎卽所以補肺也

大非真水  
不生故又  
於水中補  
之

方用金匱腎氣丸茯苓十兩附子一箇牛膝三兩官桂  
二兩熟地四兩山藥六兩丹皮二兩澤瀉四兩車前子  
三兩山茱萸二兩各爲末蜜爲丸每日早晚白滾水各  
送下一兩服三日而小便利再服三日而腰輕服十日  
而上下之腫盡消服二十日而喘急痰盛無不盡除服  
一料完全愈再服一料斷不再發也此方經後人改竄  
分兩以致治肺腎之水脹多至不效因世人畏茯苓澤  
瀉之過於泄水耳不知水勢滔天旣不用掃蕩之藥以  
決水乃畏利導之品而不用之以消水平故必須多用

茯苓車前爲君則水可泄之使從膀胱而下出然而腎之關門不開非附子肉桂回陽助火以蒸動腎氣則關何以開腎關不開而胃之積水何以下哉故必用桂附以開關關既開矣則茯苓車前牛膝得盡利水而直下又恐水過於利未免損傷陰氣得熟地山藥丹皮以佐之則利中有補陽得陰而生則火無炎亢之虞土有升騰之益誠治水之神方補土之妙藥也世人倘疑吾說之偏而妄增藥味或更改輕重斷不能收功也

此症用溫腎消

水湯亦效

人參三錢熟地五錢山藥一兩山茱萸三錢茯苓  
一兩肉桂二錢薏仁五錢水煎服二十劑卽愈

人有手足盡脹腹腫如毆面目亦浮皮膚流水手按之不  
如泥但陷下成孔手起而脹滿如故飲食知味大便不  
澇泄小便閉澀氣喘不能臥倒人以爲水毆之症而不  
知乃腎水之衰也真水足而邪水不敢橫行真水衰而  
邪水乃致泛決况真水旣衰則虛火必盛虛火旣盛而  
真水力不能制則火性炎上三焦之火與衝脉之屬火  
者皆同羣助逆無不滯冲而上行矣火旣上冲而水從  
火泛上走於肺喘嗽而不寧矣臥主腎腎氣旣逆安得

補腎火以  
生土則脾  
胃健而水  
化人多知  
之若單補  
腎水以消  
腹世絕無  
加之者今

而臥耶人至不得臥則肺氣夜不得歸於腎之中而腎  
之中水空而無非火氣則肺之氣不敢久留於腎仍歸  
於肺經母因子虛則清肅之令不行於膀胱於是水入  
於膀胱之口而膀胱不受乃散聚於陰絡隨五臟六腑  
之虛者入而注之不走小腸而走手足皮膚而毛竅出  
水也此種水症必須補腎之水以制腎火尤宜補肺之  
金以生腎水蓋腎水不能速生惟助肺氣之旺則皮毛  
閉塞而後腎氣下行水趨膀胱而不走腠理矣方用六  
味地黃湯加麥冬五味治之熟地二兩山茱萸一兩山

經遠公關  
發又何也  
臟脈之難  
治哉

藥一兩茯苓二兩丹皮六錢澤瀉一兩麥冬一兩北五  
味三錢水煎服一劑可臥二劑水如注四劑而一身之  
腫盡消十劑而諸症全愈愈後服補腎肺之藥尤須戒  
色至一年禁鹽至三月否則雖愈而必發也蓋此症原  
有腎火故補水而不必補火也腎虛以致火動肺虛以  
致水流補其水則火自靜補其金則水自通實有至理  
而非泛然以作論也

此症用健腎

湯亦佳

熟地茯苓各二兩麥冬蓮子連心用各五錢芡  
實山藥各一兩水煎服二劑而脹消十劑全消



人有單腹脹滿四肢手足不浮腫經數年不死者非水臌也蓋水臌不能越兩年未有不皮膚流水而死者今經數年不死皮膚又不流血豈是水臌之症乃虫結於血之中似臌而非臌也夫此症何因而得飲食之內或食生菜而有惡虫之子入腹而生虫或食難化之物久變爲虫血卽裹之不化日積月累血塊漸大虫生遂多所用食物止供虫食卽水穀入腹所化之血亦爲虫之外郭而不能灌注於各臟腑矣此等之症最忌小便不利與胃口不健者難以醫療倘小便利而胃口開均可治

此血之感  
胃氣健者  
可用攻法  
若胃弱者  
尚須斟酌  
雖逐穢湯  
稍多於攻  
亦未可輕  
用也

之蓋小便利者腎氣能通於膀胱也胃口開者心氣能  
行於脾胃也二臟之氣有根可用殺虫下血之藥而無  
恐以其本實未撥也方用逐穢消脹湯白朮一兩雷丸  
三錢白薇三錢甘草一錢人參三錢大黃一兩當歸一  
兩丹皮五錢蘿蔔子一兩紅花三錢水煎服一劑腹內  
必作雷鳴少頃下惡物滿桶如血如膿或有頭無足之  
虫或色紫色黑之狀又服一劑大瀉大下而惡物無留  
矣然後以人參一錢茯苓五錢薏仁一兩山藥二兩白  
芥子一錢陳皮五分白朮二錢調理而安前方用攻於

補之中雖不至大傷臟腑然大瀉大下畢竟元氣少損  
故穢盡之後卽以參苓薏藥之類繼之則脾氣堅固不  
愁亡陰之禍也或問此等之病旣非水臌初起之時何  
以知其是虫臌與血臌也吾辨之於面焉凡面色澹黃  
之中而有紅點或紅紋者是也更驗之於腹焉凡未飲  
食而作疼旣飲食而不痛者是也苟面有紅點紅紋與  
旣飲食而不痛卽可用逐穢消脹湯減半治之亦一劑  
而卽愈也但下後毋論新久必須忌鹽者一月苟若不  
忌必至再病則難治矣

此症用雷逐

丹亦神效

雷丸三錢當歸白芍各五錢紅花一兩雄黃厚朴檳榔各二錢枳實甘草各一錢水煎服一劑下惡穢一  
桶  
愈

人有上身先腫因而下身亦腫久之一身盡腫氣喘嗽不  
得臥小腹如光亮之色人以爲水臌已成誰知是水臌  
之假症乎夫溼從下受未聞溼從上受者也凡人脾土  
健旺必能散精於肺通調水道下輸膀胱水精四布五  
經並行何致水氣之上侵惟脾土旣虛飲食不化精而  
化水乃邪水而非真水也真水旣無所生則腎中乾涸

脾胃兼治  
實是王道  
其爲其用  
藥之太多  
錯疑爲尚  
新也

無非火氣於是同任衝之屬火者俱逆而上出是水從  
火溢上積於肺而嗽奔越於肺而喘旣喘且嗽身自難  
臥散聚於陰絡而成跗腫故先上腫而後下腫也似乎  
治法亟宜治腎矣然而火盛由於水衰而水衰實先由  
於土衰也補土其可緩乎惟是旣補脾以健土必至燥  
腎以旺火故補脾又必須補腎而補腎又必須補脾所  
貴二者之兼治也方用二天同補丹山藥一兩芡實一  
兩茯苓五錢白朮二兩肉桂三分訶子一錢百合五錢  
水煎服二劑而喘嗽輕又二劑而喘嗽止十劑而腫脹

消再十劑全愈此方無一味非治脾之藥卽無一味非  
補腎之藥也健其土而不虧夫腎滋其水而不損於脾  
兩相分消而又兩相資益得利之功而無利之失治水  
臟之假症實有鬼神不測之妙也

此症用芡木

湯亦效

白朮芡實各二兩茯苓一兩肉桂一錢車前  
子五錢水煎服二劑輕四劑又輕十劑愈

厥症門

人有日間忽然發熱一時厥去手足冰涼語言惶惑痰迷  
心竅頭暈眼昏此陽厥也乃陰血不歸於陽氣之中而  
內熱如焚外反現假寒之象故手足冷也此等之症傷  
寒中最多但傷寒之厥乃傳經之病必熱至五六日而  
發厥非一日身熱而卽發厥者也故不可用傷寒之法  
以治此等之厥然而雖不同於傷寒而內熱之深正未  
嘗少異夫厥乃逆也逆肝氣而發爲厥厥乃火也逆火  
氣而發爲熱熱深而厥亦深熱輕而厥亦輕故不必治

人人一見  
或然不論  
日數之多  
氣血俱傷  
果法治之  
其何

陽火而佐  
以補水是  
治厥之妙

厥也治熱而已矣惟是厥發於日陽離乎陰也無陰則陽無所制離陰則陽無所依陽在裏而陰在表自然熱居中而寒現外矣治法瀉其在內之火則內熱自除而外寒自散然而火之有餘仍是水之不足瀉火之中而佐之補水之味則陽得陰而有和合之歡斷不至陰離陽而有厥逆之戾也方用安厥湯人參三錢玄參一兩茯苓三錢白薇一錢麥冬五錢生地五錢天花粉三錢炒梔子三錢白芍一兩柴胡五分甘草一錢水煎服一劑而厥定再劑而身涼矣凡日間發厥之症俱可治之



無不神效此方和合陰陽實有調劑之妙助陽氣而不助其火生陰氣而不生其寒祛邪而不損其正解鬱而自化其痰所以定厥甚神返逆最速也

此症用黃連定

厥湯亦效

黃連二錢當歸五錢麥冬五錢玄參一兩貝母三錢菖蒲五分水煎服一劑即回二劑愈

人有夜間發熱一時厥逆昏暈如死人狀惟手足溫和喉中痰响不能出聲此陰厥也乃陽氣虛而不能入於陰血之中以致鬼神憑之往往厥逆也直中陰寒之症多有一時發厥者但彼乃陰寒而猝中此乃陰熱而暴亡

醫家之厥  
與陰熱之  
本辨得最  
精

各有不同陰寒之厥手足筋脉多青灌之水必吐陰熱  
之厥手足筋脉多紅飲之水必不吐陰寒之厥身必不  
熱陰熱之厥身必不涼以此辨之不差毫髮故陰寒之  
厥舍參附無奪命之丹陰熱之厥飲參附即喪身之禍  
治陰熱之厥法宜補陰以助陽使真陰足而邪陰自散  
一陽氣旺而虛火自消庶痰涎化昏暈除厥逆定矣方用  
補陰助陽湯玄參一兩麥冬一兩熟地一兩人參二錢  
白芥子五錢柴胡一錢白芍一兩當歸一兩白朮一兩  
茯苓五錢菖蒲一錢水煎服一劑而昏迷甦再劑而痰

涎化三劑而厥逆回則可生也否則不可救矣此方補陰之藥多於補陽陰水足而陰火可散陰火散而陽氣可回陰陽合而昏迷宜甦矣倘服之而不效是陰陽早已相脫不能再續也非前藥之故耳或曰陽氣虛而難陰是宜單補陽以入陰今補陰以合陽恐非治法不知陽氣虛而不能入於陰血之中者以陰血之大燥火盛而虛陽不敢入於陰耳非陰血過多之謂也苟補陽過勝則陽旺而陰益消亡此所以必須補陰以合陽而萬不可補陽以勝陰也况方中未嘗無補陽之藥補陰居

其七補陽居其三陰陽始無偏勝而厥逆可援也

此症用解暈

神丹亦效

人參半夏各二錢茯苓五錢南星一錢天麻烏藥  
陳皮菖蒲各五分當歸三錢柴胡一錢水煎服

人有日間發厥而夜間又厥夜間既厥而日間又復再厥  
身熱如火痰涎作聲此乃陰陽相併之厥也熱多則厥  
亦多用瀉火之藥則熱除而厥亦除矣然而厥既有晝  
夜之殊而熱亦有陰陽之異正未可徒瀉夫火也宜於  
瀉陽之中而用補陰之藥於抑陰之內而用補陽之劑  
庶幾陽火得陰而消陰火得陽而化提陽出於陰而日

至陽出陰  
升陰入陽  
是治厥妙  
法

間無昏暈之虞升陰入於陽而夜間無迷眩之害也方  
用旋轉陰陽湯人參一錢白朮三錢白茯苓三錢白芍  
五錢當歸三錢生地五錢麥冬三錢附子一分炒梔子  
二錢天花粉三錢柴胡一錢水煎服一劑而厥逆安矣  
不必再劑也此方陰陽雙補痰火兩瀉補瀉兼施不治  
厥而厥自定也倘或補陰而不補陽或瀉陽而不抑陰  
則陰陽必有偏勝而痰火必致相爭變出非常有不可  
救藥者矣

此症用息爭  
湯亦甚效

柴胡神麴各二錢甘草一錢炒梔子天花粉各三錢茯苓五錢生地一兩水煎服一劑卽安二劑愈

人有大怒之後又加拂抑事不如意忽大叫而厥吐痰如湧目不識人此肝氣之逆得痰而厥也夫肝性最急急則易於動怒怒則氣不易泄而肝之性更急肝血必燥必求救於脾胃以紛取資然而血不能以驟生脾胃出水穀之液以予肝未遑變血勢必迅變爲痰以養肝肝又喜血而不喜痰痰欲入於肝而肝不受必至痰阻於肝外以封閉夫肝之竅矣肝不能得痰之益反得痰之損則肝之燥結可知旣無津液之灌注必多炎氛之沸

提透心竅  
而未開痰

透心竅也

無心竅既

可通痰  
石痰獨不  
可通痰

騰痰閉上而火起下安得不冲擊而成厥哉治法宜去  
其痰而厥乃定也然而去痰必須平肝而平肝在於解  
怒方用平解湯香附五錢當歸五錢天花粉三錢半夏  
二錢茯苓三錢神麴二錢麥芽二錢炒梔子二錢黃連  
五分甘草一錢水煎服一劑厥輕再劑厥定三劑全愈  
此方解肝氣之拂逆實有神功在清熱而不燥導痰而  
不峻也

此症用三白  
散亦效

白芍川芎各五錢梔子茯神天花粉各三錢當歸五  
錢白豆蔻二枚南星葛蒲枳殼各一錢水煎服二劑

全愈

人有怒輒飲酒以爲常不醉不休一日發厥不知人事稍蘇猶呼酒號叫數次復昏暈人以爲飲酒太醉故也誰知是膽經之火動乎夫肝與膽爲表裏肝氣逆則膽氣亦逆肝火動則膽火亦動酒入臟腑必先入膽酒滲入膽則酒化爲水矣然而酒性大熱飲酒過多酒雖化水而酒之熱性不及分消必留於膽中况怒氣傷肝則肝火無所發泄必分流而入於膽膽得酒之熱又得肝之火則熱更加熱矣夫肝膽爲心之母母熱必呼其子以

世人多以  
酒解怒誰  
知得酒而  
愈怒而怒  
以酒解是



信既解而  
飲也

解氛自然膽熱必移熱以子心而心不可受熱乃變而  
爲厥矣治法亟解心中之熱而心熱非起於心也仍須  
瀉膽之熱而膽之熱非本於膽也仍須瀉肝之熱以解  
酒之熱而已方用逍遙散加味治之柴胡一錢白芍一  
兩茯苓五錢白朮五錢甘草二分陳皮五分當歸二錢  
葛花二錢炒梔子三錢白芥子三錢水煎服一劑厥輕  
二劑厥定三劑全愈逍遙散治鬱實奇佐之梔子以瀉  
火益之葛花以解酒加之白芥子以消痰酒病未有不  
溼者溼則易於生痰去其溼而痰無黨去其痰而火無

勢溼既無黨火又無勢雖欲再厥其可得乎方中所以多用茯苓白朮以輔助柴胡白芍者正此意也

此症用醒腦

湯亦效

乾葛柞木枝各一錢人參二錢茯苓神三錢白芍五錢黃連半夏各五分吳茱萸二分水煎服一劑即效四

愈劑

人有一過午時吐酸水一二碗至未時心前作痛至申痛甚厥去不省人事至戌始甦日日如是人以爲陰分之熱也誰知是太陽膀胱之經有瘀血結住而不散乎但小便不閉是膀胱之氣未嘗不化也氣乃無形之物無

形能化若有瘀血結住而不散者以血有形不比氣之無形而可散也未申之時正氣行膀胱之時也氣行於血之中而血不能行於氣之內所以作痛而發厥欲活其血之瘀非僅氣藥之能散也必須以有形之物制血則氣可破血而無阻滯之憂矣方用逐血丹當歸尾一兩大黃三錢紅花三錢桃仁二十粒天花粉三錢枳殼五分厚朴二錢丹皮三錢水蛭火煨燒黑一錢水煎服一劑而瘀血通二劑而瘀血盡散此方用水蛭同入於大黃厚朴之中以逐有形之血塊則病去如掃而痛與

厥盡去也倘不用水蛭雖亦能止厥定痛而有形之血塊終不能盡逐必加入水蛭而建功始神不可以此物爲可畏而輕棄之遺人終身之病也

此症用破瘀

丹亦神

水蛭炒乾黑二錢當歸白芍各一兩茯苓三錢肉桂三分桃仁十四箇生地五錢枳殼五分猪苓一錢水煎服二劑全愈

人有忽然之間如人將冷水澆背陡然一驚手足厥冷遂不知人已而發熱則漸漸甦省一日三四次如此人以爲祟乘之也誰知乃氣虛之極乎夫氣所以衛身者也

是氣非崇  
辨得明白

氣盛則體壯氣衰則體怯外寒之侵乃大氣之微也內  
氣既微原不必外邪之襲無病之時常覺陰寒逼身如  
冷水澆背正顯內氣之微何崇之來憑乎然而內熱之  
極亦反生寒顫所謂厥深熱亦深與氣虛之極亦生寒  
顫者似是而非苟不辨之至明往往殺人於頃刻可不  
慎歟辨之之法大約內熱而外寒者脉必數而有力而  
舌必乾燥也氣虛而外寒者脉必微而無力而舌必滑  
潤也故見氣虛之症必須大補其氣而斷不可益之大  
寒之品方用麝氣湯人參一兩陳皮一錢枳殼三分薑

蒲五分水煎服一劑輕二劑更輕連服數劑全愈此方  
重用人參以補氣之陳皮枳殼寬中消痰則人參甦  
氣更爲有神益之菖蒲者引三味直入心中則氣不能  
散於心外也

此症用助氣回

陽湯亦效

人參黃芪各五錢南星二錢甘草一錢茯苓三錢  
枳殼五分水砂仁三粒水煎服二劑效四劑全愈

春溫門

春溫頭痛  
與傷寒頭  
痛似是而  
非千古疑  
團一朝說  
被量不大  
快

一春月傷風頭痛鼻塞身亦發熱是傷風而欲入於太陽  
非太陽之傷寒也夫春傷於風由皮毛而入肺也風入  
於肺而不散則鼻爲之不利肺金之氣不揚自失其清  
肅之令必移其邪而入於太陽膀胱惟恐邪入乃堅閉  
其口而水道失行於是水不下通而火乃炎上頭自痛  
矣與傳經太陽之傷寒絕不相同散肺金之風杜其趨  
入膀胱之路而身熱自退也方用舒肺湯桔梗三錢甘  
草一錢蘇葉五分天花粉一錢茯苓三錢桂枝三分水

煎服一劑而身熱解二劑而頭痛鼻塞盡愈此方專入肺金以散其風邪有風則必生痰有痰則必有火天花粉消痰而又善解火一味而兩用之也桂枝茯苓開膀胱之口引邪直走膀胱而下洩因肺欲移邪而移之其勢甚便隨其機而順用之也

此症用加味甘

桔湯亦佳

桔梗川芎天花粉麥冬各三錢甘  
草黃芩各一錢水煎服二劑愈

一春月傷風身熱咳嗽吐痰惡熱口渴是傷風而陽明之火來刑肺金非傷寒傳經入於陽明也夫陽明胃土本



生家妙肺  
反致火來  
肺不是  
傳經之胃  
火竟水尅  
即也亦辨  
四邪

生肺金何以生肺者轉來刑肺乎蓋肺乃嬌臟風入肺  
經必變爲寒胃爲肺金之母見肺子之寒必以熱濟之  
夫胃本無熱也心火爲胃之母知胃欲生金乃出其火  
以相助然而助胃土之有餘必至尅肺金之不足是借  
其兵以討賊反致客兵殘民故胃熱而肺亦熱而咳嗽  
口渴之症生矣治法瀉心火以安胃土自然肺氣得養  
而風邪自散方用平邪湯黃連三分甘草一錢蘇梗一  
錢紫苑一錢葛根一錢石膏三錢麥冬五錢貝母三錢  
茯神三錢水煎服一劑輕二劑又輕三劑身涼矣不必

四劑也此方瀉心火者十之三瀉胃火者十之六蓋心火之旺尅肺者輕胃火之旺刑金者重輕瀉心中之火則心不助胃以刑金重瀉胃中之火則胃不刑金以傷肺肺氣既回肺邪又安留哉

此症用清胃散亦效

石膏半夏各二錢茯苓三錢桂枝三分麥冬三錢陳皮葛根各一錢水煎服一劑愈

一春月傷風發寒發熱口苦兩脇脹滿或吞酸吐酸是少陽之春溫也何以冬月謂之傷寒而春月卽謂之春溫耶不知冬月之風寒春月之風溫寒則傷深溫則傷淺

春月傷風  
今而天氣  
大冷感冒

風寒者竟  
是傷寒非  
可視為傷  
風也  
風寒入裏  
風溫出表  
兩言對盡  
春溫之首

小柴胡湯  
考藥恐  
其酸故也

傷深者邪至少陽而有入裏之懼傷淺者邪入少陽而  
卽有出表之喜故同傷少陽而傷風與傷寒實有異也  
至於治傷風之少陽法又不必大異皆舒其半表半裏  
之邪而風邪自散雖然傷寒邪入少陽有入裏之症往  
往用大柴胡與承氣之類和而下之若傷風入少陽以  
小柴胡湯和解而有餘不必用大柴胡承氣而重用之  
也方用加減小柴胡湯柴胡一錢五分茯苓三錢黃芩  
一錢甘草一錢陳皮五分天花粉一錢水煎服一劑寒  
熱解再劑諸症愈此方較原方更神以用茯苓之多使

邪從膀胱而出更勝於和解也佐柴胡以散邪乃建奇功耳

此症用安膽

湯亦效

柴胡天花粉炒梔子各二錢甘草一錢白芍丹皮各三錢水煎服二劑愈

一春月傷風身熱嘔吐不止人以爲太陰之傷寒也誰知是太陰之春溫乎夫太陰脾土也風傷太陰則土中有風風在地中則土必震動而水溢故令人嘔吐不止非陰寒之氣入於脾土之內而動人嘔吐者可比此與傷寒傳經之入太陰者治法迥不相同也傷寒當溫其經

以回陽而傷風宜散其風以安土方用奠土湯白朮五錢茯苓三錢人參柴胡半夏甘草葛根各一錢神曲五分水煎服一劑而風散二劑而身涼三劑而病全愈矣方中祛邪於補脾之內脾健而風自息也

此症亦可用

護脾飲

白朮三錢人參二錢肉桂三分陳皮三分半夏一錢蘇葉五分水煎服一劑愈

一春月傷風出汗胃乾燥渴欲飲水是春溫之症火邪入膀胱非太陽之傷寒也夫膀胱者肺金之表也肺受風邪久則變熱肺乃求救於膀胱邪即乘其求救而下行

而膀胱之水思欲救母乃不肯下泄而上與風火相鬪  
邪見膀胱正氣之盛乃不入膀胱而入胃於是胃熱而  
與邪相爭故爾出汗汗出而胃之津液自乾故口渴思  
水以救其內焚也治法不必散風邪而瀉火焰速利其  
膀胱使水從小便而出則胃中之津液自生方用五苓  
散白朮一錢茯苓三錢澤瀉三錢猪苓三錢肉桂一分  
水煎服一劑而小便利二劑而口渴汗出盡止矣蓋五  
苓散專利其膀胱之水膀胱爲太陽之經傷風已經出  
汗宜太陽之邪盡出矣乃口渴思水明是邪熱不肯從

皮毛外出而欲趨膀胱下出矣五苓散利其膀胱則水流而火亦流火隨水去胃火已消而胃自生液自然上潤於肺肺得胃液之養則皮毛自閉邪何從而再入哉此症知栢茯苓

湯亦可用

知母黃栢各一錢茯苓五錢  
水煎服一劑而渴解二劑愈

一傷風頭痛發熱盜汗微出見風則畏此春溫傷風而非太陽症也夫頭痛本屬太陽然而風能入腦亦作頭痛未可謂身熱頭痛便是太陽之症風從皮毛而入皮毛主肺肺通於鼻而鼻通於腦風入於肺自能引風入腦

加減明  
卷之五

辨證錄

卷之五

五

而作頭痛倘肺氣甚旺則腠理自密皮毛不疎風又何  
從而入惟其肺氣之虛故風邪易於相襲邪正爭鬪身  
故發熱肺氣既虛安能敵邪所以盜汗微微暗出也此  
症明是傷風勿作傷寒輕治蓋邪之所湊其氣必虛補  
其肺氣之虛表其風邪之盛自然奏效甚速方用益金  
散風湯人參五分甘草一錢五味子三粒麥冬三錢紫  
蘇一錢蔓荊子一錢天花粉一錢桔梗三錢水煎服一  
劑頭痛除再劑身熱解三劑盜汗亦止此方散重於補  
何以名爲益金湯不知肺經爲邪所傷其氣甚衰若用



大補重藥必且難受不若於散表之中畧爲補益則邪既外出而正又內養兩得其宜是過於散正善於益也此症用通腦

散亦神

川芎當歸茯苓各三錢桔梗二錢蔓荊子白芷各五分人參半夏各一錢水煎服二劑愈

一傷風頭痛發熱身疼腰重骨節俱痠疼惡風無汗人以爲傷寒而不知非也夫傷寒則不惡風矣此內傷脾腎而風乘虛以入肺則經絡之間不相流通故身熱耳第內傷脾腎與肺無涉何以肺經卽召外邪耶不知脾爲肺之母而腎爲肺之子母虛而子亦虛子虛而母亦虛

脾腎之氣旣虛而肺安得不虛之理於是腠理不密毛竅難以自固故風邪易入於肺經而肺氣益虛何能下潤於腎宮而旁灌於百骸耶自必至滿身骨節痠痛而腰重矣但肺虛而邪旣易入則汗亦宜易出何以邪入而汗不出耶此乃邪欺肺氣之虛又窺脾腎之不足反使邪氣得蔽於毛孔故見風反畏外邪且不能再入何況內汗能出乎然則治法惟散肺中之邪仍補脾腎之氣脾土旺而肺氣有生發之機腎水足而肺金無乾燥之苦自然上可達於腦而頭痛除下可通於膀胱而

腰重去中可和於中焦而一身支節之痠疼盡愈也方  
用黃紫丹白朮五錢茯苓三錢當歸五錢羌活一錢紫  
蘇一錢甘草一錢細辛五分黃芩一錢麥冬五錢人參  
一錢貝母一錢水煎服此方補多於散何補之中又純  
補脾而不補腎耶人生後天以脾胃之氣爲主脾健則  
胃氣自開胃開則腎水自潤況人參白朮原能入腎而  
白朮尤利腰膂一身之氣無不利矣何況肺經爲脾胃  
之子母健而子亦健力足以拒邪又有紫蘇黃芩羌活  
貝母祛風散火消痰泄水之藥足以供其戰攻之具自

然汗出熱解而邪從外越也

此症用益氣散

風湯亦效甚

人參黃芪各三錢甘草半夏各一錢白朮五

錢柴胡二錢茯苓三錢枳殼五分水煎服

一春月傷風身熱十餘日熱結在裏往來寒熱人以爲傷寒在太陽有入裏之變也誰知春月傷風與冬月傷寒不同冬月之寒入於太陽久則變寒春月之風入於太陽久則變熱寒則運動不常必至傳經入臟熱則靜守不移惟有固結在腑然而入臟在腑雖有不同而作寒作熱則無不同也寒在臟則陰與陽戰而發熱熱在腑

則陽與陰戰而發寒隨臟腑衰旺分寒熱往來此症之所最難辨亦辨之於時令而已在冬月而熱結在裏者宜用攻在春月而熱結在裏者宜用散散其熱而寒自除寒除而熱亦自止也方用散結至神湯厚朴一錢白芍五錢甘草一錢當歸三錢枳殼五分柴胡一錢炒梔子三錢桂枝三分水煎服一劑而寒熱除內結亦散方中多是平肝之藥絕不去舒肺經之邪蓋肺氣爲邪所襲則肝木必欺肺金之病而自旺矣旺則木中生火以助邪之熱而刑肺倘不瀉肝而徒去散肺經之邪則肺

氣愈虛而熱何能遽解耶惟瀉其肝中之火則內熱既衰益之桂枝數分但去散太陽之風不去助厥陰之火此熱結所以頓解也

此症用清邪

散亦效

桂枝五分茯苓五錢甘草一錢陳皮五分半夏柴胡各一錢砂仁一粒水煎服

一傷風八九日風溼相搏身體煩疼不能轉側不嘔不渴人以為傷寒之症風溼在太陽之經也誰知傷風之病亦能使風溼之相搏乎夫濕從下受而風從上受者也下受者膀胱先受之上受者肺經先受之膀胱受溼無

風不能起浪肺經受風無溼亦不能生嵐傷風而致風  
溼相搏因下原感溼而上又犯風兩相牽合遂搏聚於  
一身而四體無不煩疼也夫煩疼之症風之病也溼主  
重着煩痛而至身不能轉側非重着乎以此分別風溼  
之同病實爲確據且風症必渴溼症必嘔今風溼兩病  
風作渴而水濟之溼欲嘔而風止之故不嘔而又不渴  
也治法宜雙解其風溼之邪而已方用雙解風溼湯茯  
苓一兩薏仁一兩柴胡二錢防風甘草各一錢水煎服  
柴胡防風以祛風茯苓薏仁以利溼用甘草以和解之

自然風濕雙解而諸症盡痊也

此症用風濕兩

奇湯亦佳

茯苓白朮各五錢柴胡防風半夏  
甘草各一錢桂枝三分水煎服

一春月傷風八九日如瘧之狀發熱惡寒熱多寒少口不  
嘔吐人以爲傷寒中如瘧之證誰知春月傷風亦同有  
此症乎夫風邪入於表裏之間多作寒熱之狀不獨傷  
寒爲然傷風之病輕於傷寒至八九日宜邪之盡散矣  
何尚有如瘧之病蓋無痰不成瘧無食亦不成瘧無痰  
無食卽有風邪不能爲害然則傷風而有如瘧之病者



亦其胸膈胃脘之中原有痰食存而不化八九日之後  
正風欲去而痰與食留之耳熱多寒少非內傷重而外  
感輕之明驗乎惟口不嘔吐乃內既多熱自能燥溼痰  
得火制自不外吐然熱之極則外反現寒惡寒之象乃  
假寒也假寒真熱適顯其如瘧之症乃似瘧而非瘧也  
治法亦治其如瘧而不必治其真瘧耳方用破假湯人  
參三錢白朮五錢陳皮一錢神麴五分柴胡二錢山查  
十粒甘草五分白芍五錢鱉甲三錢石膏一錢半夏一  
錢水煎服一劑惡寒除二劑發熱解四劑如瘧之症全

愈此方於補正之中寓祛邪之味正既無虧邪又退舍此王霸兼施之道也

此症用散瘧湯亦效

柴胡二錢何首烏白朮各五錢青皮二錢水煎服

一春月傷風汗多微發熱惡風人以爲傳經之邪入陽明胃中也誰知傷風春溫之症亦有邪入胃者乎邪到陽明必然多汗而渴今汗雖多而不渴是火邪猶未盛所以微發熱而不大熱耳夫同一外邪也何傷寒之邪入胃而火大熾傷風之邪入胃而火微旺蓋傷寒之邪寒邪也傷風之邪風邪也寒邪入胃胃惡寒而變熱風邪

入胃胃喜風而變溫蓋其熱乃胃之自熱不過風以煽之也風煽其火則火必外泄反不留於胃中所以皮膚熱極而多汗而口轉不渴異於傷寒傳經入胃之邪而無燎原之禍也然而終何以辨其非傷寒哉傷寒惡寒而不惡風傷風惡風而不惡寒正不必以冬月之惡風爲是傷寒之的症也蓋惡風卽是傷風之病耳治法散其風而火自解也方用薰解湯石膏三錢乾葛二錢甘草一錢荊芥一錢茯苓五錢麥冬五錢水煎服一劑汗止二劑熱盡散矣此方乾葛荊芥乃發汗之藥何用之

反能止汗不知傷風多汗乃風煽之也今用乾葛荆芥以散其風則風息而火亦息况用石膏以瀉胃火火靜而汗自止又得麥冬以滋其肺茯苓以利其水甘草以和其中安得而出汗哉

此症用三奇湯亦效

玄參一兩乾葛天花粉各三錢水煎服

一傷風口苦咽乾腹滿微喘發熱惡寒人以爲傷寒之邪入於陽明不知是傷風之邪入於陽明也夫傷風之邪既輕於傷寒何傷風之病竟同於傷寒乎不知傷寒之邪入於陽明其重病不同於傷風而輕病則未嘗不同

也若口苦不過胃不和也咽乾胃少液也腹滿胃有食也微喘胃少逆也發熱惡寒胃之陰陽微爭也症既同於傷寒而治法正不可同也和其胃而不必瀉其火解其熱而不必傷其氣始爲得之方用和解養胃湯玄參一兩甘菊花三錢甘草一錢麥冬三錢天花粉三錢藕子一錢水煎服一劑口苦咽乾之症除二劑喘熱腹滿惡寒之病去不必三劑此方解陽明之火而不傷胃土之氣所以能和胃而辟邪也

此症亦可用三奇湯

加麥冬五錢治之

一傷風口燥但欲漱水不欲嚥下人以爲陽明之火將逼其熱以犯肺必有衄血之禍矣不知冬月傷寒邪入於陽明則有此病若春月傷風烏得有此然傷風之症旣同於傷寒安保其血之不衄耶而傷風終無衄血者蓋風性動而變不比寒性靜而凝也故傷寒寒在胃而逼其熱於口舌咽喉者陰陽拂亂而衄血成矣傷風逼其熱於上雖亦漱水而不欲嚥然風以吹之其熱卽散安得而致衄哉治法瀉陽明之火而口燥自除也方用石膏三錢葛根一錢玄參五錢金銀花五錢麥冬五錢甘

草一錢水煎服方名金石散服二劑此症全愈不必服  
三劑也此方單瀉胃中之火不去散胃中之寒然而玄  
參麥冬金銀花純是補水之劑上能解炎下又能濟水  
得甘草以調劑實能和寒熱於頃刻也

此症亦可用三  
奇湯治之

一春月傷風脉浮發熱口渴鼻燥能食人以爲陽明火熱  
必有衄血之症不知傷寒不衄則邪不能出而傷風正  
不必衄也蓋傷寒入胃而邪熱火熾非水穀不能止其  
炎上之火既能食而脉仍浮是火仍不下行而必從上

行也故必至發衄若傷風之脉原宜見浮非其火之必  
欲上行也故雖口渴鼻燥而能食則火可止遏火下行  
而不上行豈致發衄哉治法但瀉其胃中之火無庸顧  
其肺中之衄也方用寧火丹玄參一兩甘草一錢生地  
三錢青蒿五錢水煎服一劑身熱解二劑口渴鼻燥愈  
三劑脉浮亦平矣此方玄參生地以解其胃中之炎熱  
瀉之中仍是補之味青蒿同甘草用之尤善解胃熱之  
邪使火從下行而不上行也且青蒿更能平肝經之火  
脉浮者風象也肝火既平則木氣自安而風何動哉此



用藥之妙一舉而得之也

此症亦可用滋

肺湯甚效

石膏二錢麥冬一兩生地三錢黃芩甘草各一錢水煎服

一春月傷風自汗出醫人又發其汗小便自利人以爲傷寒悞汗以致津液內竭也熟知傷寒邪入陽明火焚其內以致自汗明是陰不能攝陽而陽外泄又加發汗則陽泄而陰亦泄矣安得津液不內竭乎若傷風自汗出者乃肺金之虛非胃火之盛復發其汗則肺氣益耗金寒水冷而小便自利矣故治法迥不可同也若用治傷

寒之法以治傷風之症必有變遷之禍治法但補其肺  
氣之虛而固其腠理則汗止而病自愈也方用六君子  
湯加減治之人參三錢白朮一兩陳皮三分甘草五分  
白芍三錢黃芪五錢麥冬五錢北五味五分水煎服一  
劑止汗而津液自生矣此方補胃健脾使土旺以生肺  
金則肺氣自安肺金既安則腠理自固毛竅自閉矣

此症用溫固

湯亦妙

白朮黃芪各五錢甘草肉桂北五味子  
各一錢人參二錢陳皮三分水煎服

一春月傷風下血譫語頭汗出人以為陽明之火大盛必

有發狂之禍誰知是熱入血室似狂而非狂乎雖傷寒邪入陽明亦有下血譫語必致發狂之條然而傷寒之下血譫語者乃熱自入於血室之中傷風之下血譫語者乃風祛熱而入於血室之內雖同是熱入血室而輕重實殊蓋熱自入者內外無非熱也風祛熱入者內熱而外無熱也既熱有輕重而頭汗出無異者何故以血室之部位在下焦而脉實走於頭之上故熱一入於血室而其氣實欲從頭之巔由上而下泄特因下熱未除各腑之氣不來相應所以頭有汗至頸而止傷寒與傷

風內熱同而頭汗出亦同也治法散其風引熱外出而  
各病自愈方用導熱湯當歸白芍各三錢柴胡二錢黃  
芩一錢丹皮三錢甘草天花粉各一錢水煎服一劑譟  
語除二劑熱退汗止矣此方亦小柴胡之變方但小柴  
胡湯純瀉熱室之火而此兼補其肝胆之血使血足而  
木氣不燥不來剋脾胃之土則胃氣有養胃火自平所  
謂引血歸經卽導火外泄耳

此症清室  
湯亦效

柴胡黃芩半夏各一錢丹皮三  
錢枳殼五分白芍五錢水煎服

一傷風潮熱大便微鞭人以爲傷寒之邪入於陽明又將趨入於大腸也誰知是肺經乾燥乎蓋大腸與肺爲表裏肺燥則大腸亦燥正不必邪入大腸而始有燥屎也風傷肺金最易煽乾肺氣不同寒傷肺金之清冷故風邪一入肺而大腸容易燥結然邪終隔大腸甚遠非大腸之中卽有邪火結成燥屎而必須下之也是則傷風潮熱大便微鞭乃金燥之症非火盛之証明矣治法宜潤肺金之燥然而大便之開閤腎主之也腎水足而大腸自潤矣方用金水兩潤湯熟地一兩麥冬一兩柴胡

一錢甘草一錢丹皮三錢水煎服連服二劑而微鞭解  
再服二劑而潮熱除矣此方用熟地以補水水足則肺  
金不必去生腎水而肺之氣不燥又得麥冬直補肺金  
金水兩潤自然大腸滋灌輓輸有水可以順流而下既  
無阻滯之憂何有餘熱之猶存哉

此症用地榆解

熱湯亦效

當歸五錢生地三錢地榆天花粉各二  
錢黃芩甘草蘇葉大黃各一錢水煎服

一春月傷風譫語潮熱脈滑人以爲陽明胃熱乃傷寒傳  
經之病誰知春溫之症亦有胃熱乎春令發生胃中本

宜熱也又加春風之薰蒸其胃中自然之熱原不可遏  
今一旦逢違逆春令之寒風以阻抑之而不能直達其  
湮鬱之氣所以譫語而發熱也然胃中無痰則發大熱  
而譫語聲重胃中有痰則發潮熱而譫語聲低脈滑者  
有痰之驗也方用消痰平胃湯玄參青蒿各一兩半夏  
茯神麥冬車前子各三錢水煎服一劑譫語止再劑潮  
熱除不必三劑也此方主青蒿者以青蒿能散陰熱尤  
能解胃中之火得玄參麥冬更能清上焦之炎火熱去  
而痰無黨援又得半夏茯苓車前以利其水則濕去而

痰涎更消痰消而火熱更減欲作鬱蒸潮熱迷我心君  
胡可得哉

此症用玄黃解

熱散亦效

半夏花粉各二錢甘草人參各一錢玄參  
一兩生地茯苓各五錢枳殼五分水煎服

一春月傷風日晡發潮熱不惡寒獨語如見鬼狀人以爲  
陽明之症傷寒欲發狂也誰知是春溫之過熱乎但傷  
寒見此病乃是實邪春溫見此症乃是虛邪耳夫實邪  
之病從太陽來其邪正熾而不可遏必有發狂之禍若  
虛邪之病從少陰來其邪雖旺而將衰斷無發狂之災



蓋實邪乃陽邪而虛邪乃陰邪也陽邪如見鬼狀者火  
逼心君而外出神不守於心宮陰邪如見鬼狀者火引  
肝魂而外遊魄不守於肺宅故實邪宜瀉火以安心而  
虛邪宜清火以養肺方用清火養肺湯荊芥二錢麥冬  
五錢玄參一兩天花粉三錢甘草一錢蘇葉一錢茯神  
三錢黃芩二錢水煎服一劑潮熱止二劑不見鬼矣三  
劑全愈此方全是清肺之藥何以能安胃火不知胃火  
乃肺之所移清其肺金則邪必來救肺矣有玄參爲君  
乘其未入肺宮半途擊之則邪尤易走茯神安心而又

利水邪不敢上逼而下趨有同走膀胱而遁矣何能入肺入肝以引我魂魄哉

此症用梔子清

煎飲亦效

白芍一兩炒梔子茯苓各三錢  
半夏二錢甘草一錢水煎服

一傷風發潮熱大便秘小便利胸膈滿人以爲傷寒之邪入於陽明而不知乃春溫之熱留於陽明也夫風傷於肺邪從皮膚而入宜從皮膚而出何以熱反留胃不去乎蓋胃乃肺之母也母見子被外侮必報外侮之仇外侮見其母之來復隨舍子而尋母矣使母家貧弱則外

侮自舍母而尋子無如胃爲水穀之海較肺子之家富  
不啻十倍外侮亦何利於子而舍其母哉自然利胃母  
之富而棄肺子之貧故堅留而不去此潮熱之所以作  
也顛寒作熱小便利而大便溏正陰陽之不正致轉運  
失職胸膈何能快哉治法祛胃中之邪而陰陽自正矣  
方用加減柴胡湯柴胡黃芩知母炙甘草各一錢茯苓  
五錢枳殼神麴各五分蘿蔔子三錢水煎服一劑潮熱  
解二劑陰陽分三劑諸症盡愈此方亦小柴胡之變方  
蘿蔔子與茯苓同用最能分陰陽之清濁清濁一分而

寒熱自解寧至有胸膈之滿哉

此症用掃胃

湯亦佳

石膏甘菊花各二錢青蒿五錢茯苓三錢甘草一錢  
陳皮三分柴胡五分厚朴一錢檳榔八分水煎服

一春月傷風四五日身熱惡風頭項強脇下滿手足溫口  
渴人以爲太陽陽明少陽之合病誰知是春溫之症有  
似傷寒而非真正傷寒也夫傷寒有此三陽之合病何  
以春溫之症絕無相異乎蓋春溫之症風傷於少陽也  
少陽爲半表半裏凡三陽之表俱可兼犯而三陽之症  
即可同徵不比傷寒之邪由太陽以入陽明而太陽之

症未去由陽明以至少陽而陽明之邪尚留由少陽以入厥陰而少陽之病仍在故治春溫之症止消單治少陽而各經之病盡愈不必連三陽而同治也方用加味逍遙散柴胡二錢當歸二錢白朮一錢甘草一錢茯苓三錢陳皮一錢白芍三錢炒梔子一錢羌活五分水煎服二劑諸症盡愈不必三劑論理瀉少陽胆經之火足矣此方併和其肝氣似乎太過然胆經受邪正因胆氣之太鬱也春溫之病每從肝胆以入邪吾治其肝胆則在表在裏之邪無不盡散矣

此症用麻石抒

陽湯亦神

柴胡石膏各二錢白芍五錢麻黃陳皮

各三分半夏一錢茯苓三錢水煎服

一婦人經水適來正當傷風發熱惡寒胸脇脹滿譏語人以爲傷寒結胸也誰知是熱入血室乎夫熱入血室男女皆有之惟是男有熱入血室之病者乃風祛熱而入之也女子熱入血室者乃血欲出而熱閉之血化爲熱也似乎男女之症不同然而熱則同也故治法亦不必大異仍用導熱湯治之蓋導熱湯最舒肝胆之氣閉經水於血室之中正肝胆之病也肝藏血非少陽胆氣之

宣揚則血不外出今舒其肝氣則已閉之血肝不能藏  
血泄而熱又何獨留乎故一劑而發熱惡寒之病除再  
劑而胸脇脹滿譫語之症去矣

此症亦可用加

味清室湯

柴胡黃芩甘草半夏各一錢白芍  
五錢丹皮三錢陳皮五分水煎服

一傷風身熱後肢體骨節皆痛手足寒甚人以爲傷寒由  
三陽而傳入於少陰也誰知其人腎水素虛因傷風之  
後燥其肺金肺傷而不能生腎則腎水更枯不能灌注  
於一身之上下自然肢體骨節皆痛也水枯宜火動矣

何手足反寒乎不知水火原相根也水旺而火亦旺水衰而火亦衰當水初涸之日火隨水而伏不敢沸騰故內熱而外現寒象治法不可見其外寒而妄用溫熱之藥當急補其腎中之水以安腎中之火則水足以制火水火既濟何至有肢體骨節生痛手足生寒之病乎方用六味地黃湯熟地一兩山茱萸山藥各五錢茯苓四錢丹皮澤瀉各三錢水煎服一劑手足溫二劑肢體骨節之痛輕連服四劑即便全愈蓋此症風邪已散若再用祛風之藥則肺氣愈虛益耗腎水水虧而火旺必有



虛火騰空反致生變何若六味地黃湯直填腎水使水火之既濟也

此症用養骨

湯亦效

熟地二兩甘草一錢金釵石斛地骨皮茯苓牛膝各三錢水煎服

一傷風後下利咽胸痛滿心煩人以爲傷寒邪入於少陰乃陰寒上犯於心肺而下犯於大腸也而孰知不然傷風之後身涼則邪已盡散何陰邪之留乎然則下利者乃大腸之陰虛自利非邪逼迫之也咽痛者亦陰虛之故陰水既乾則虛火自然上越咽喉竅細不能遽泄乃

作痛也。胸滿心煩者，腎水不能上濟於心宮，而腎火反致上焚於包絡胸膈。在包絡之間，安得不滿胸？既不舒而心亦不能自安，此煩之所以生也。故傷風之後見此等症，切勿認作陰寒而妄治之也。治法補水以濟心，復補金以生腎，腎水足而腎氣生，自然上交心而制火，下通大腸而利水矣。方用加味地黃湯：熟地、茯苓各五錢，山茱萸、澤瀉、丹皮各三錢，山藥、麥冬各五錢，北五味一錢，肉桂五分水煎服。一劑咽痛除，二劑下利止，三劑胸不滿，心亦不煩矣。夫既是腎陰之虛，用地黃湯以滋水。

加麥冬五味以益腎之化源是矣何加入肉桂以補命門之火非仍是治少陰之寒邪乎不知水非火不生用肉桂數分不過助水之衰而非祛寒之盛且大腸自利得壯火而瀉得少火而止雖地黃湯內減熟地之多增茯苓澤瀉之少亦足以利水而固腸然無命門之火以相通則奏功不速故特加肉桂於水中而補火也

此症用地苓芍桂湯亦效  
熟地二兩茯苓五錢白芍五錢肉桂五分水煎服

一春月傷風 三日咽中痛甚人以爲少陰之火寒逼之也誰知是少陰之寒火逼之乎夫傷寒咽痛乃下寒實

邪逐其火而上出傷風咽痛乃下熱虛火逼其寒而上  
行正不可一見咽痛卽用傷寒藥概治之也蓋傷寒之  
咽痛必須散邪以祛火傷風之咽痛必須補正以祛寒  
方用補喉湯熟地二兩山茱萸茯苓各一兩肉桂一錢  
牛膝二錢水煎服一劑而喉痛頓除熟地山茱滋陰之  
聖藥加入肉桂牛膝則引火歸源自易矣况茯苓去  
濕以利小便則水流而火亦下行何至上逼而成痛哉  
所以一劑而奏功也

此症用救咽

丹亦妙

熟地二兩山茱萸八錢山藥一兩肉桂一錢破故紙二錢胡桃肉一箇水煎冷服

一春月傷風身熱下利六七日咳而嘔心煩不得眠人以爲邪入少陰而成下利以致嘔咳心煩不眠也誰知春溫之病多有如此症相同而治法宜別蓋傷寒之治利其水而春溫之治不可徒利其水也夫傷風而至六七日邪宜散矣乃邪不盡散又留連而作利其脾土之衰可知咳而嘔不特脾衰而胃亦衰矣土既衰而肺腎亦衰矣况腎因下利之多重傷其陰力不能上潤於心心無水養則心自煩燥勢必氣下降而取給於腎腎水又

涸則心氣至腎而返腎與心不交安得而來夢乎治法  
健其脾胃益其心腎不必又顧其風邪也方用正治湯  
人參二錢熟地白朮炒棗仁各五錢麥冬三錢茯苓一  
兩竹茹一錢水煎服此方心腎脾胃肺五者兼治之藥  
茯苓爲君能調和於五者之中又是利水之味下利既  
除身熱自止而咳嘔心煩不得眠俱可漸次奏功也

此症用解煩

湯亦效

人參巴戟天麥冬各五錢白朮一兩炒棗仁三  
錢菖蒲五分神麴一錢白豆蔻二粒水煎服

一春月傷風手足逆冷脉緊心下滿而煩飢不能食人以

爲傷寒之症邪入厥陰結於胸中也而孰知不然夫脉  
浮爲風脉緊爲寒明是傷寒之症而必謂春月得之是  
傷風而非傷寒人誰信之然而實有不同也蓋風最易  
入肝春風尤與肝木相應但肝性所喜者溫風而不喜  
寒風也春月之風溫風居多而寒風亦間有之倘偶遇  
寒風肝氣少有不順脉亦現緊象矣第於緊中細觀之  
必前緊而後濇緊者寒之象濇者逆之象也寒風入肝  
手足必然逆冷肝氣拂抑而心氣亦何能順泰乎心旣  
不舒不能生脾胃之土肝又不舒必至尅脾胃之土矣

所以雖飢不能食也夫傷寒之入厥陰由三陽而至傷風之入厥陰乃獨從厥陰而自入者也是以傷寒之邪入肝深而傷風之邪入肝淺入深者恐其再傳入淺者喜其易出但解肝中之寒而木中之風自散飲食可進煩滿逆冷亦盡除矣方用加味逍遙散治之柴胡二錢白芍五錢當歸三錢白木五分甘草一錢茯神三錢陳皮五分肉桂一錢水煎服一劑諸症俱愈逍遙散原是和解肝經之神藥得肉桂則直入肝中以掃蕩其寒風陽和既回而大地皆陽春矣何鬱滯之氣上阻心而下



尅脾胃哉脾胃有升騰之氣草木更爲敷榮斷不致有  
遏抑摧殘之勢矣倘作傷寒治法而用瓜蒂吐之必有  
臟腑反覆之憂也

此症用衛君  
湯效亦捷

人參巴戟天各三錢茯苓三錢白芍白朮各  
五錢陳皮三分肉桂半夏各一錢水煎服

一春月傷風忽然發厥心下悸人以爲傷寒中有不治厥  
則水漬入胃之語得毋傷風亦可同治乎不知傷寒之  
悸恐其邪之下行而不可止傷風之悸又慮其邪之上  
冲而不可定蓋寒性屬陰陰則走下風性屬陽陽則升

上故同一發厥同一心悸治法絕不相同傷寒宜先治厥而後定其悸傷風宜先定悸而後治其厥也方用定悸湯白芍當歸各一兩茯神生棗仁各五錢半夏炒梔子各三錢甘草一錢菖蒲丹砂末各五分水煎調服一劑悸定再劑厥亦定也此方止定悸而治厥已寓其內蓋病原是心膽之虛補其肝而膽氣旺補其肝而心亦旺又慮補肝以動木中之火加入梔子以補爲瀉而復以瀉爲補則肝火亦平而厥亦自定噫之傷寒爲外感傷風爲內傷斷不可以治外感者移之以治內傷也

此症用奠安

湯亦效

人參茯苓各三錢甘草半夏各一錢遠志柏  
子仁各二錢山藥黃芪麥冬各五錢水煎服

一春溫之症滿身疼痛夜間發熱日間則涼人以爲傷寒  
少陽之症也誰知是腎肝之陰氣大虛氣行陽分則病  
輕氣行陰分則病重乎夫陰陽兩相根也陰病則陽亦  
病矣何以春溫之症陰虛而陽獨不虛耶不知肝腎之  
中原有陽氣陰虛者陽中之陰虛也故陽能攝陰而陰  
不能攝陽所以日熱而夜涼耳治法補其肝腎之陰則  
陰與陽平內外兩旺而後佐之以攻風邪則風邪自出

矣方用補夜丹熟地一兩白芍五錢鼈甲當歸生何首  
烏丹皮地骨皮各三錢茯苓麥冬各五錢貝母三錢柴  
胡一錢水煎服此方乃補陰之神劑亦轉陽之聖丹用  
攻於補之中亦寓撫於剿之內也譬如黃昏之際強賊  
突入人家執其主婦火燒刀逼苟或室中空虛無可跪  
獻則賊心失望愈動其怒勢必箠楚更加焚炙愈甚今  
用補陰之藥猶如將金銀珠玉亂投房中賊見之大喜  
必棄主婦而取資財佐之以攻邪之藥又如男婦僕從  
揚聲門外則賊自驚惶况家人莊客盡皆精健絕倫賊

自勢卑各思飽颺而去安肯出死力以相關乎自然不戰而亟走也

此症用補陰散

邪湯亦妙

熟地一兩何首烏當歸各五錢地骨皮丹皮各三錢  
天花粉神麴各二錢人參柴胡各一錢砂仁一粒水  
煎服

一春溫之症日間發熱口乾舌燥至夜身涼神思安閒似  
瘧非瘧人以爲傷寒症中如瘧之病也誰知是傷風而  
邪留於陽分乎夫邪之所湊其氣必虛所謂氣者正陰  
陽之氣也風邪卽陽邪也陽邪乘陽氣之虛尤爲易入

以陽氣之不能敵耳治法於補陽之中而用攻邪之藥則陽氣有餘邪自退舍矣方用助氣走邪散柴胡二錢當歸三錢黃芪五錢人參一錢枳殼五分天花粉三錢白朮五錢厚朴一錢黃芩一錢麥冬五錢山查十粒水煎連服二劑卽愈此方乃補正以祛邪也譬如青天白晝賊進莊房明欺主人之懦耳倘主人退縮則賊之氣更張主人潛遁則賊之膽愈熾必至罄劫而去今用參芪歸朮以補陽氣則主人氣旺執刀而呼持戟而鬪號召家人奮勇格鬪許有重賞酬勞自然舍命相拒卽鄰

佑聞之誰不執耒以張揚負鋤而戰擊賊且逃遁無踪去之惟恐不速矣

此症用破瘡散亦效

白木黃芪各五錢半夏防風羌活陳皮甘草各一錢水煎服

人有春月感冒風寒咳嗽面白鼻流清涕人以爲外邪之盛而肺受之誰知是脾肺氣虛而外邪乘之乎夫肺主皮毛邪從皮毛而入必先傷肺然而肺不自傷邪實無隙可乘又將安入是邪之入肺乃肺自召之非外邪之敢於入肺也然則祛邪可不亟補其肺乎惟是補肺必

須補氣氣旺則肺旺而邪自衰然而但補其氣不用升提之藥則氣陷而不能舉何以祛邪以益耗散之肺金哉故補氣以祛邪不若提氣以祛邪之更勝也方用補中益氣湯加味治之人參二錢黃芪三錢當歸三錢陳皮七分甘草五分柴胡一錢升麻四分白朮三錢麥冬三錢黃芩八分天花粉一錢水煎服一劑邪散二劑咳嗽流涕之病全愈也補中益氣湯治內傷之神劑春月傷風亦內傷之類也用參芪歸朮以補氣用升麻柴胡以提氣且二味升中帶散內傷而兼外感者尤爲相宜



故服之而氣自旺外邪不攻自散也

此症用益氣社

寒飲亦效

人參柴胡桔梗半夏各一錢黃芪茯苓各三錢當歸二錢蘇葉五分甘草五分水煎服

人有春日感冒風寒身熱發識人以爲陽明之內熱也誰知是肺熱之逼胃乎春日風邪中人原不走太陽膀胱之經每每直入皮毛而走肺肺得風邪則肺氣大傷寒必變熱與傷寒之邪由衛入營而寒變熱者無異其實經絡實有不同若以冬寒治法治春溫反致傷命爲可惜也苟知春溫與冬寒不同雖見發熱識語但治肺而

不治胃則胃氣無傷而肺邪易散方用宜春湯枳壳五  
分桔梗三錢甘草一錢麥冬五錢天花粉二錢黃芩二  
錢紫苑一錢陳皮五分竹茹一錢玄參三錢水煎服一  
劑而寒熱解再劑而譫語亦失此方散肺經之邪火又  
不犯陽明之胃氣肺氣安而胃火亦靜矣此所以治肺  
而不必治胃耳

此症用潤肺

飲亦效

麥冬玄參各五錢甘草半夏各一  
錢桔梗二錢竹葉五十片水煎服

一春溫之症頭痛身熱口渴呼飲四肢發斑似狂非狂似

躁非躁沿門閭室彼此傳染人以爲傷寒之疫症也誰知是傷風之時症乎夫司天之氣原不必盡拘一時天氣不正感風冒寒便變爲熱肺氣不宣胃氣不升火鬱於皮毛腠理之中流於頭而作痛走於膚而成斑倘以治傷寒之法治之必至變生不測以所感之邪實春溫之氣而非冬寒傳經之邪也夫傳經之邪最爲無定春溫之邪最有定者也何以有定者反至變遷不常正以時氣亂之也時氣之來無方與疫氣正復相同但疫氣熱中帶殺而時氣則熱中存生雖時氣之病亦多死亡

然皆治之不得其法乃醫殺之非時氣殺之也惟是沿  
門闔宅各相傳染者何故以時氣與疫氣同是不正之  
氣也故聞其邪氣而卽病耳雖然世人有聞邪氣而不  
病者何以臟腑堅固邪不能入也春溫之傳染亦臟腑  
空虛之故耳治法補其臟腑而少佐以解火祛邪之藥  
則正氣生而邪氣自退矣方用遠邪湯人參一錢蒼朮  
三錢茯苓三錢柴胡一錢蘇葉五分生甘草一錢玄參  
一兩荊芥三錢黃芩一錢白菊五錢天花粉二錢水煎  
服一劑頭痛止二劑身熱解三劑斑散狂躁皆安四劑

全愈此方却邪而不傷正氣治不正之時症最效不止  
治春溫之時病也

此症用正氣

湯亦佳

玄參一兩麥冬五錢荊芥三錢升麻八分甘草  
黃芩各一錢天花粉三錢蔓荊子五分水煎服